



Prishtinë, 31.03.2017
Kodi i ZRRE-së: V_905_2017

Bordi i Zyrës së Rregulatorit për Energji

Duke u bazuar në:

- Dispozitat e nenit 9, nenit 16 paragrafi 1 nënparagradi 1.4 dhe 1.10, nenit 25, nenit 55 paragrafi 1, nënparagradi 1.2, dhe 1.5, nenit 56 paragrafi 1 nënparagradi 1.2, dhe nenit 57 të Ligjit për Rregulatorin e Energjisë, Ligji Nr. 05/L-084,
- Dispozitat e Nenit 2 paragrafi 1 nënparagradi 1.3, nenit 4 paragrafi 5, nenit 6 paragrafi 1 dhe nenit 9 paragrafi 2 të Rregullës për Masat Administrative dhe Gjobat,
- Dispozitat e nenit 27 të Licencës për Operatorin e Sistemit të Shpërndarjes të lëshuar KEDS SH.A.,
- Njoftimin nr. 081/17 të datës 06 mars 2017 lidhur me shkeljet e konstatuara në lidhje me ndërprerjet e planikuara të ndërmarra gjatë muajit tetor dhe nëntor 2016, nga KEDS SH.A.,
- Përgjigjet e KEDS SH.A. të datës 20.03.2017 në lidhje me shkeljet e bëra,
në seancën e mbajtur me 31 mars 2017 ka nxjerr këtë:

V E N D I M

- I. **I SHQIPTOHET - DENIMI ME GJOBË** Kompanisë Kosovare për Distribuim me Energji Elektrike (KEDS SH.A), për shkeljet e bëra gjatë ndërprerjeve të ndërmarra gjatë muajit tetor dhe nëntor 2016, në shumën prej **45,000** (katërdhjetëpesëmijë) Euro.
- II. **OBLIGOHET** - KEDS SH.A. që brenda afatit prej 30 (tridhjetë) ditësh nga data e pranimit apo publikimit të këtij Vendimi, të paguajë gjobën në llogarinë e Buxhetit të Republikës së Kosovës, në shumën e përcaktuar si në pikën I të diapositivit të këtij vendimi, nën kërcënimin e përbarimit të dhunshëm.

A R S Y E T I M

Rregulatori në përputhje me kompetencat ligjore të dhëna me Nenit 55 dhe 56 të Ligjit për Rregulatorin e Energjisë, pas informatave të pranuara nga ana e konsumatorëve dhe shqetësimeve në media për ndërprerje të energjisë elektrike, ka inicuar inspekthin me qëllim të mbikëqyrjes së ndërprerjeve të planikuara të ndërmarra gjatë muajve tetor – nëntor 2016 nga ana e KEDS SH.A., duke kerkuar informacion dhe raport të detajuar nga KEDS SH.A lidhur me: ndërprerjet e energjisë si nevojë e mirëmbajtjes; ndërprerjet e energjisë si pasoj e prishjeve dhe ndërprerjet e energjisë si pasoj e mbingarkesave.



Rregullatori me 15 nëntor 2016 nga KEDS SH.A. ka pranuar raportet e kërkua e të cilat janë vlerësuar dhe analizuar, dhe meqenëse sqarimet e dërguara nuk kanë qenë të kënaqshme, janë kërkuar sqarime shtesë lidhur me: planin e detajuar të mirëmbajtjeve, arsyet e kohëzgjatjes së ndërprerjeve e sidomos të atyre nga ora 16:00-20:00 dhe mospërputhjen e të dhënave me planet e publikuara dhe të dërguara.

Rregullatori ka vlerësuar dhe analizuar raportet e pranuara, dhe pas inspektiveve në teren, me shkresën e datës 18.11.2016, ka kërkuar nga KEDS SH.A. që pas orës 16:00 ti ndaloj të gjitha ndërprerjet e energjisë elektrike me pretekst të mirëmbajtjes së rrjetit. Gjithashtu është kërkuar nga KEDS që gjatë ditës të planifikohen më mirë ndërprerjet me qëllim që të eliminohet çfarëdo lloj efekti negativ që mund të paraqitet te konsumatorët dhe që një ditë përpara të dërgohet plani ditor i mirëmbajtjeve duke i specifikuar qartë lokacionet dhe punët që do të kryhen.

Rregullatori me qëllim të inspektimit më të thellë të ndërprerjeve të planifikuara, me 22.11.2016 ka kërkuar nga KEDS SH.A., dokumentacion shtesë lidhur me: a) Revizionin e transformatorëve energetik; b) Revizionin e përcuesve mbitokësor; përcuesit 35 dhe 10kV, në qytete, përcuesit 35 dhe 10kV jashtë qyteteve, përcuesit 0,4 kV (rrjetet e qytetit dhe fshatrave); c) Revizionin e përcuesve kabllovik; d) Revizionin e pajimeve matëse dhe mbrojtëse; e) Revizionin e mbrojtjes së mbitensionit; f) Revizionin e tokëzimit.

Bordi i Rregulatorit, në mbledhjen e mbajtur me datë 25.11.2016 ka shqyrtuar të gjeturat fillestare të bëra gjatë këtij inspektimi, dhe ka vlerësuar se ka bazë të mjaftueshme për dyshim se procesi i ndërprerjeve të planifikuara është përcjell me parregullsi, dhe njëkohësisht ka vendosur të thelloj inspektimin në lidhje me parregullsitë e evidentuara.

Rregullatori në shkresën zyrtare të datës 25.11.2016, për shkak të kompleksivitetit të çështjes e cila po inspektohet, ka kërkuar nga KEDS që: a) me efekt të menjëherëshëm ti ndërpres të gjitha mirëmbajtjet e planifikuara, me përashtim të mirëmbajtjeve të domosdoshme të cilat mund të rrezikojnë sigurinë e furnizimit me energji; b) që më së largu deri më datë 08.12.2016 të dorëzoj në Rregulator planin detal të reviduar të mirëmbajtjeve duke përfshirë edhe kohëzgjatjen e ndërprerjeve; dhe c) ti ofroj stafit të Rregulatorit bashkëpunim të plotë gjatë hetimit dhe ta lejoj qasje në informata dhe objekte që *administrohen nga KEDS-i*.

Rregullatori ka analizuar me kujdes të gjitha të dhënat nga raportet e ndërprerjeve të dërguara, si dhe ka krahasuar këto të dhëna me ato të dhëna të cilat KEDS SH.A i kishte publikuar në faqen zyrtare, dhe ka konstatuar *mospërputhshmëri mes planit të ndërprerjeve të rapportuar në Rregulator nga ai i publikuar nga KEDS*, ku sipas të dhënave të dërguara nga KEDS Sh.a., shihet qartë se ka një numër shumë të madh të ndërprerjeve të planifikuara, ku këto ndërprerje janë shumë herë në të njëjtat dalje dhe kohëzgjatja është 4 orë, pa marrë parasysh punët që planifikohet se do të kryhen.

Rregullatori gjithashtu ka vërtetuar se nuk ka pasur nevojë për ndërprerje të energjisë elektrike për qëllim të revizionit të rrjetit, pas orës 16:00 (kur drita natyrore mungon), kur dihet se revizioni i largpërcuesve në shumicën e rasteve duhet të bëhet gjatë orëve të ditës dhe bëhet me inspektim vizual të shtyllave, konzollave, izolatorëve, urave, shkarkuesve, litarit mbrojtës, shenjave të rrezikut, numrit të shtyllave dhe gjendjes së trasesë etj.



Rregullatori ka realizuar inspektime në daljen 10 kV, Matiçani J 41, Distrikti i Prishtinës, dhe ka konstatuar se me datë 16.11.2016, ndërprerja në këtë dalje nga ora 16:00–20:00 nuk ka qenë për shkak të mirëmbajtës, ashtu siç ka deklaruar KEDS SH.A., por vetëm reduktim i energjisë elektrik, të cilin konstatim e ka mbështetur në: a) planin e KEDS SH.A i muajit nëntor për ndërprerjet e planifikuara, b) publikimin në faqen zyrtare, c) ditari i operatorit–libri i telegrameve të KOSTT, d) urdhëresa e punës së KEDS, e) fotografi nga tereni; dhe f) mosprezenca e kurrfarë ekipi në teren apo në NS Prishtina 7, sipas urdhëresës së punës.

Rregullatori poashtu ka realizuar inspektime në daljen 10 kV, Banullë, Distrikti i Ferizajit, ku ka konstatuar se me datë 16.11.2016, *ndërprerja në këtë dalje nga ora 16:00–20:00 nuk ka qenë për shkake të mirëmbajtës ashtu siç ka deklaruar KEDS SH.A., por vetëm reduktim i energjisë elektrike, të cilin konstatim e ka mbështetur në: a) planin e KEDS SH.A, për ndërprerjet e planifikuara i muajit nëntor, b) publikimin në faqen zyrtare, c) ditari i operatorit – libri i telegrameve të KOSTT, d) urdhëresa e punës së KEDS, dhe e) fotografi nga tereni.*

KEDS SH.A., me datë 01.12.2016 ka njoftuar Rregullatorin dhe opinionin e gjerë se me datë 02.12.2016, për arsyet e sigurisë së sistemit, prej orës 11:00–14:30 do të ketë mirëmbajtje në daljen 10 kV Livadicë, dhe gjatë kësaj kohe (sa do të zgjasin punimet) do të mbisin pa energji elektrike fshtrat: Dumnicë, Shtedim, Mirovc, Livadicë dhe Dogana. Pas inspektimit në Daljen 10 kV, Livadica, Podujevë, Distrikti i Prishtinës të bëra nga Rregullatori, është konstatuar se me datë 02.12.2016 nuk ka pasur ndërprerje të energjisë elektrike në këtë dalje.

Bordi i Rregullatorit, pas shqyrtimit dhe vlerësimit të përgjigjeve/komenteve të KEDS SH.A. lidhur me inspektimin e ndërprerjeve të planifikuara, ka konstatuar se KEDS SH.A. në asnjë rast dhe me asnjë fakt nuk ka mundur të kundërshtoi/argumentoj të gjeturat e inspetimit dhe në mbledhjen e mbajtur me datë 27 shkurt 2017 ka nxjerr *Njoftim lidhur me shkeljet e konstatura për ndërprerjet e planifikuara të ndërmarra gjatë muajit tetor-nëntor 2016 nga KEDS SH.A.*

Shkeljet e konstatuara janë: mospërputhshmëri mes planit të ndërprerjeve të raportuar në Rregullator nga ai i publikuar nga KEDS; reduktim i energjisë elektrike në dalje të caktuara, me arsyetim të mirëmbajtjes së planifikuar; mosrealizim i planit të mirëmbajtjeve të planifikuara.

Në përputhje me dispozitat e nenit 57 paragrafi 7 i Ligjit për Rregullatorin e Energjisë, Njoftimi i cekur më lartë i është dërguar KEDS SH.A. në mënyrë që tu mundësohet përgjigja me shkrim lidhur me shkeljet e bëra.

Rregullatori me datë 20 mars 2017 ka pranuar përgjigjet e KEDS SH.A, në lidhje me shkeljet e konstatuara me Njoftimin e cekur më lartë, e në të cilat përgjigje KEDS SH.A., ka arsyetuar se shkeljet e konstatuara nga Rregullatori, kanë ndodhur kryesisht nga arsyet e mos organizimit apo organizimit të dobët të brendshëm të KEDS SH.A, si dhe arsyet tjetra, kryesisht organizative.

Bordi i Rregullatorit, në mbledhjen e mbajtur me datë 31.03.2017, ka bërë vlerësimin dhe analizimin e përgjigjeve të paraqitura nga KEDS SH.A., dhe ka ardhur në përfundim se arsyet e theksuar në përgjigje të KEDS SH.A, nuk i kontestojnë shkeljet e evidentuara nga ana e Rregullatorit, por që të njëjtat i arsyetojnë me neglizhencën e punëtorëve, dhe kinse të njëjtit nuk kanë qenë në nivel të



detyrës, e të cilat arsyе pёr Bordin e Rregullatorit janë tё pa pranueshme pёr faktin se çeshtja e organizmit dhe mbikëqyrjes sё punëtorёve ёshtё pёrgjegjёsi ekskluzive e menaxhmentit tё KEDS SH.A., andaj ёshtё e paarsyeshme qё si rezultat i mos organizimi dhe mos menaxhimi tё mirё me punëtorët, tё pёsojnё konsumatorët.

Bordi i Rregullatorit me rastin e shqiptimit tё dënimit me gjobë ka marr parasysh edhe rr Ethanat lehtësuese duke pasuar parasysh veprimet e ndërmarra nga i licencuari i cili menjëherë ka ndaluar veprimet e pёrmendura mё lartë, me çka edhe ka parandaluar shkaktimin e dëmit tё mёtejmë konsumatorёve. Rregullatori gjithashtu ka vlerësuar si rr Ethanë lehtësuese edhe sjelljen dhe bashkëpunimin e KEDS SH.A. me Rregullatorin, gjatë tёrё këtij procesi.

Vendimi mbi shqiptimin e gjobës ёshtё marr konform dispozitave ligjore tё nenit 57 paragrafi 2 nёnparagrafet 2.8 dhe 2.14 tё Ligjit pёr Rregullatorin e Energjisё, dhe dispozitat e nenit 11 paragrafi 1.10 dhe 1.12 tё Rregullës pёr Masat Administrative dhe Gjobat, tё nxjerr nga Rregullatori.

Vendimi pёr pagesën e gjobës ёshtё marr konform dispozitave ligjore tё nenit 57 paragrafi 9 i Ligjit pёr Rregullatorin e Energjisё.

- III. Vendimi nxirret dhe publikohet nё gjuhët zyrtare nё Republikën e Kosovës.
- IV. Vendimi hyn nё fuqi nё datën e miratimit nga Bordi, dhe do tё publikohet nё faqen elektronike zyrtare tё Rregullatorit.
- V. KEDS SH.A duhet tё njoftojё Rregullatorin mbi pagesën e këtij dënimis.

Këshillë Juridike: Pala e pakënaqur me këtë Vendim mund tё iniciojё konflikt administrativ nё Gjykatën Kompetente, brenda tridhjetё (30) ditёve nga data e pranimit tё Vendimit ose data e publikimit tё tij nё faqen elektronike tё Rregullatorit, cilado qё ndodhë e fundit.

Bordi i Rregullatorit:

Krenar Bujupi, u.d. kryesues

Arsim Janova, anëtar

Besim Sejfi, anëtar

Vendimi iu dërgohet:

- KEDS SH.A,
- Arkivit tё Rregullatorit.